

此页前缺

南無當來下生彌

華嚴經

奉為

閻羅天子

十殿冥王

南無寶檀華菩薩奉為

追生放死諸司靈官

南無虛空藏菩薩奉為



陰府三十六鬼主二十八獄主

南無金剛藏菩薩奉為

功德司判官善惡二童子

南無地藏王菩薩奉為

先亡眷屬無主孤鬼等衆

南無寶勝王如來奉為

故殺誤傷一切冤家

南無妙見菩薩奉為

雷公電母行雨龍王

南無摩訶訶般若波羅密多奉為

世主妙嚴諸龍神衆

南無高貴德王菩薩奉爲

年月日時四直功曹

南無消災息災菩薩奉爲

太歲禁忌行災行病鬼王

南無清涼寶山億萬菩薩奉爲

名山大川天下土地神祇

奉佛弟子某人以茲念佛功德敬伸

回奉

天曹地府水折陽賢一切聖衆上願

皇圖永固佛日長明風雨調和人民
康泰次及幽途滯魄離苦生天法界
有情俱沾利樂仰賴靈曹百官南
宮增壽筭之名北斗消災衰之籍四
恩普利三友同資一切冤親皆成佛
道閻羅天子於未來世當得作佛
名曰普賢王如來十號具足
佛說二十六分功德疏經終

昔京兆府主王通家世積善常持二
十六分功德疏經廣勸鄉閭千餘

人每日爲天曹地府念佛有志誠者通乃請人齋心口含檀香寫此經施其人受持互相勸者其數漸多政和二年王通出路作商途中常見一人在前一望地先行或時青

五

袍或時着紫或着黃皂常見如是因至長沙隨十六人同舡渡江見一老人涼巾道服呼長史通乃近前相揖老人曰今日風疾舡小不可隨衆渡江老夫家舡相次到

來同公渡江未晚通乃從其言是
時十六人先渡江湏臾風浪返折一
舡人衆俱死通乃謝老人曰適來
不蒙吾丈相留必喪此江老人曰天
之命也宿業同會非今偶尔良久

老人舡至邀通上舡泛至敷山四
出舡見一大宅高樓畫閣狀若
仙宮老人揖通入左右出接少頃
置酒通起再三謝過適蒙賜救
命得免惡死更蒙酒禮實佩感

激老人曰吾非凡流吾是水府
仙官奉天曹勅權管此江八百
里公命合犯屬水府攝然公家
世積善爲天曹地府勸千餘人
持念二十六分功德疏經聲動神
祇千餘人數內三七人係短命惡
死因功德力更延壽命通日世
人爲諸天持經念佛多招來世
果報云何通得見世果報老人
曰天曹有司記人功過世間有筭


未盡枉死者或產婦凍餓大病
大難命在須臾世有達時湯藥
衣具飲食救療得免橫死天曹
乃記其人有救命延生之功凡救
七人延筭一紀公勸千人念佛有三

七人免死天曹謂君有救命之
功延君三紀之壽牒下泰山閔報
水府消落死籍泰山府君以此牒
過汭路土地江津等神各護公經
過疆界老夫因此相接酒罷相送

出門指東路徑通纔舉步老人
不見通因老人之言方知每日衣
青衣紫者乃沿路土地太山牒擁
護我也後還家經營無不遂意
深信因果感動神祇如此

佛說二十六分功德疏經

宣德四年
月
日



奉佛 信人余普鵬為妻盧
氏妙名在日患病告許刊板印
施二十六分功德疏經壹阡卷
妻亡過不務初心報次具三宥
宣德八年仲夏吉日

